



**SURAT EDARAN PENTADBIRAN
BILANGAN 22 TAHUN 2018**

**KETERANGAN RINGKAS BERKAITAN PENEMUAN
JABATAN AUDIT NEGARA TERHADAP PENGURUSAN
PEROLEHAN KERJA DAN PERKHIDMATAN
DI UNIVERSITI TEKNIKAL MALAYSIA MELAKA**

Pejabat Pendaftar

14 Ogos 2018 / 02 Zulhijjah 1439H

Disalinkan kepada:

Naib Canselor

Timbalan Naib Canselor (Akademik dan Antarabangsa)

Timbalan Naib Canselor (Penyelidikan dan Inovasi)

Timbalan Naib Canselor (Hal Ehwal Pelajar)

Penolong Naib Canselor (Jaringan Industri dan Masyarakat)

Penolong Naib Canselor (Pembangunan dan Pengurusan Fasilitas)

Pegawai-Pegawai Kanan

YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTeM.02.14.02/100-3/2/3 (4)

14 OGOS 2018
2 ZULHIJJAH 1439H

SURAT EDARAN PENTADBIRAN BIL. 22/2018

KETERANGAN RINGKAS BERKAITAN PENEMUAN JABATAN AUDIT NEGARA TERHADAP PENGURUSAN PEROLEHAN KERJA DAN PERKHIDMATAN DI UNIVERSITI TEKNIKAL MALAYSIA MELAKA

Surat Edaran Pentadbiran ini dikeluarkan bertujuan untuk memberi keterangan ringkas berkaitan penemuan Jabatan Audit Negara terhadap pengurusan perolehan kerja dan perkhidmatan di Universiti Teknikal Malaysia Melaka.

2.0 Merujuk kepada berita yang menular di saluran media baru-baru ini mengenai penemuan Jabatan Audit Negara terhadap pengurusan perolehan kerja dan perkhidmatan UTeM, pihak Universiti ingin menegaskan bahawa beberapa perkara berkaitan yang dilaporkan adalah kurang tepat dan telah sedikit sebanyak menyebabkan kekeliruan serta kesalahfahaman warga Universiti khususnya dan orang awam umumnya, berkenaan proses kewangan di UTeM, seterusnya telah mencalarakan imej Universiti.

3.0 Untuk makluman semua pihak, UTeM akur dengan penemuan dan teguran oleh Jabatan Audit Negara dan telah mengambil tindakan sewajarnya dalam memperbaiki proses pengurusan perolehan kerja dan perkhidmatan sebagaimana yang disyorkan oleh JAN dalam Laporan Ketua Audit Negara Tahun 2017 Siri 1.

4.0 Bagi memastikan semua pemegang taruh jelas dengan perkara yang dibangkitkan ini, maka pihak Universiti berpendapat bahawa adalah penting untuk satu penjelasan mengenai penemuan dan teguran Jabatan Audit Negara ini dimaklumkan kepada warga universiti dan orang awam agar tidak menimbulkan persepsi yang tidak tepat mengenainya.

5.0 Sebutan Jabatan Audit Negara berkenaan **19 dokumen kontrak dengan nilai kerja RM14.85 juta telah ditandatangani sama ada oleh Naib Canselor atau**

Bendahari UTeM tanpa diberi kuasa oleh Lembaga Pengarah Universiti sebelum ini telah disusuli dengan penambahbaikan seperti berikut:

- 5.1 Surat cara pemberian kuasa (untuk menandatangani kontrak mengikut Seksyen 50 Perlembagaan Universiti) telah diberikan kepada Naib Canselor dan Bendahari bagi setiap projek yang dibawa kepada Mesyuarat Lembaga Pengarah Universiti; dan
- 5.2 Buku 'Limit of Authority' yang bakal dijadikan punca kuasa untuk menandatangani kontrak perolehan akan menggantikan surat cara pemberian kuasa selepas dibentangkan dalam Mesyuarat Lembaga Pengarah Universiti Bil. 4/2018 yang dijadualkan pada 13 September 2018.

6.0 Melalui penjelasan ini, adalah diharapkan agar warga Universiti telah mendapat maklumat yang tepat dan seterusnya dapat bersama-sama UTeM dalam menangani isu semasa.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



MASDZARIF BIN MAHAT
Ketua Pegawai Operasi
Universiti Teknikal Malaysia Melaka
/sya

